

VII
ORATIO

D. F. MARTINI
ROIAS PORTALRVBEI

ILLVSTRISSIMI AC

Reuerendiß. D. M. Magistri, ac totius

Ordinis Hierosolimitani

Oratoris.

TRIDENTI IN GENERALI
CONGREGATIONE,

Die VII. Mensis Septembris.

M. D. LXIII. habita.



BIBLIOTHECA NAZ.
ROMA
VITTORIO EMANUEL.



BRIXIAE AD INSTANTIAM

IO: BAPTISTAE BOZOLAE.

M. D. LXIII.

THE NATIONAL

REPUBLICAN

OF THE STATE OF NEW YORK

FOR THE YEAR 1877



NEW YORK: PUBLISHED BY J. B. LIPPINCOTT & CO., 15 N. 2ND ST.



V M Nuntijs, multorumque literis Magno Magistro ordinique nostro (Reuerendissimi & Illustrissimi Praesides, Oratores clarissimi, Patresque amplissimi) nuntiatum, & significatum fuisset, hanc sacrosanctam Tridētinam Synodum, non parua Antistitum frequentia haberi, & celebrari: tantum letitiae, et uoluptatis accepimus, quantum ex ea re debuimus, cuius

nos bonosq; omnes, multum atq; diu contorserat expectatio. Nam ut antea, pro nostra in Deum Religione et pietate, praecipuus erat dolor, ex miserrimis, maxime calamitosi, et turbulentis. Eccl. temporibus, à nobis susceptis: ita nunc, eximia cuiusdā letitiae causam afferebat, noua tranquillitatis spes, ad quā sacrosancti huius Conuentus nomen atq; frequentia inuitabat. Haud. n. aliter nobis persuasum fuit, quā sicut ipse conciliorum author & praeses Deus, ad causam suam agendam, hoc tempore uos aduocauit: ita actiones uestras directurus, & illuminaturus, ut quicquid à uobis decretum, & constitutum fuerit, id non ipsi solum Deo gratissimum, reiūque publicae Christianae utilissimum foret: sed etiam summam pacem, summamque concordiam, & tranquillitatem, mortalibus omnibus perpetuū allaturum. Quā obrem, tam fausto atque iucundo nuntio accepto, post incredibilem animis nostris conceptam letitiam, decretasque plurimorum supplicationes, & maximas Deo Maximo habitas gratias, optabat quidem, Prudentissimus, uigilantissimisque Magister noster, in hoc amplissimo, & celeberrimo totius Christiani orbis Conuentu, una cum tot summis ecclesiae uiris, & de rebus maximis & grauissimis, ad totamque rempub. Christianam pertinentibus, constituentibus, praesens adesse (quid enim illi aut gloriosius, aut optabilius accidere poterat?) quod suū totiusq; ordinis propensum animum, promptamque uoluntatem singulare studium, curam & diligentiam, in re Christiana tuenda, propaganda, & amplificanda maiori cum ardore, & fide testatissimam, & conspicuam uobis facere, & ostendere posset: Verū cū negotia Insulae nostrae, inimicis Catholicae fidei expositae, in qua

tuerenda, & defendenda; magna adhibenda est diligentia: rumo-
 resque qui de Turcica classe, nostris ceruicibus assidue imminen-
 ti, atque etiam de Dragato Archipirata, alijsque prædonibus
 maritimis increbuerant, id minimè paterentur: quod ipse adire
 munus maximè cupiebat, neq; ulla modo præstare poterat, id
 ex publico totius nostri ordinis senatu, Nicolao Durãdo Villaga-
 gnono, equiti nostro, ac singulari prudentia, & eruditione or-
 nato uiro, planeque digno, cui tanta prouintia committeretur,
 mihiq; pariter demandauit. Qua quidem in re, onus quod mihi
 impositum est libens (si adesset) collegæ concessissem, adeò de in-
 genio meo, exercitationeq; dicendi (qua scio quàm sine exigua)
 nihil mihi sumere soleo: uerùm & necessitate. (quam & collegæ
 absentia, & superiorum præcepta asserunt) coactus, ac de uestra
 humanitate planè confisus, ad pauca uobis exponenda accingor.
 Quorum cum duo sint omnium capita; hoc præcipuum est, ut
 quamuis pro comperto habeamus, reque ipsa iam satis experti
 simus, nos (utpote Pastores) longè prudentissimos, omnia quæ
 ad Dei omnipotentis gloriam, Ecclesiæ catholicæ exaltationem,
 Populique Christiani pacem, & concordiam, maximè sunt ne-
 cessaria, eo studio, & animi ardore esse curaturos, ut nullas re-
 cordatione, aut monitione indigeatis: Præsertim uirorum milita-
 rium, quibus arma magis, & nauigandi instrumenta quàm ul-
 lius facundie atque expolitæ orationis ornamenta sunt nota: At-
 tamen quia uniuersa, quæ hic tractantur negotia, ad nos etiam
 non parum pertinere uidentur, tanquam non otiosa: reipublica
 Christiana membra (ut inferius declarabimus) non alienū à par-
 tibus nostris existimamus, si nos sponte uestra currentes, horta-
 tionibus nostris accendere conemur. Et non cum diuitibus inge-
 nia munera, sed cum illa uidua paupercula, in Galophilacium
 Dei, minuta duo, hoc est quadrantem, ex inopia & indigentia
 nostra, puro sinceroque animo offeramus. Nam cum in tempora
 hæc, adeò peruersa, & dissoluta, neroque Christi cultui, exem-
 plisque sanctorum repugnantia, inciderimus, ut uicia pro uirtu-
 tibus habeantur; ne sermè sit aliqua prouincia, respublica, curia,
 aut senatus, qui ab sparsis erroribus, prauisque persuasionibus
 eximatur; in uestraq; sit strū potestate, tot malis remedium ad-
 hibere, omnesque ab his periculis liberare; æquum profectò est,

ut quoniam nulla alia de maior perniciosiorque existat animorum,
dissunctio, rei que publica perurbatio, quam ex sententiarum
que de Religione habentur dissidio ac discordia; ea in hoc sacro
sancto catus de Doctrinis publice proponantur, & constituantur;
que quos erroribus & falsis persuasionibus expulsi omnes
ubique Christi fidei professi teneant, & credant, amplectā
turque, & sequantur. Sic enim ignorare, & imbecilli multitudine,
opportune consuletis; & robustiorum firmiorumque mentes
in Religione semel accepta, magis, magisque indies confirmabitis.
Ad hoc, cum non parva ecclesia detrimenta, & incommoda,
que rempublicam Christianam etiamnum perturbant, ex corrupta
uita morumque Christianorum disciplina; exorta fuisse plerique
fateatur, dum ab illa priscorum temporum sanctitate, & innocentia,
omnes degenerarint; ut hac etiam in parte erueretur:
quod si praesertim qui reliquo populo exemplo debent esse virtutis,
& sanctitatis, ad Germanam, veteremque ecclesiasticam disciplinam
observationem traducantur. Agite sanctissimi Antistites,
nosque alij viri longè prudentissimi, & ad salutem Reipublicae
Christianae, totis pectoribus totisque animis incumbite; ea que
de doctrinis & moribus deliberare, decernite, & statuite, quae
sanctissimus ille huius sacri concilij Gubernator, & rector, Patracetus
spiritus, nobis suggererit, quaeque Populus omnis Christianus,
pro certissimis ab ipso Deo editis oraculis, libens complectatur,
& teneat. Sic enim unius Christi servatoris nostri gloriam
in sanis dogmatibus, corruptis atque perditis moribus nostris
obscuratam (penè dixerim sepultam) illustrabitis, & propagabitis;
sponsaeque suae languenti, atque sordescenti, pristinam
sanctitatem, & pulchritudinem restituetis, De Magistro autē
& societate nostra (quando me suae voluntatis Nuntium, & interpretem
esse voluerunt) id vobis amplissimi Patres spondeo, ac
que sanctè promitto: quae ab hoc sanctissimo concilio decreta
emanabunt, ea omnia prompto alacrique animo acceptaturos:
& observaturos, eorumque curam, patrocinium, & propugnationem
(pro ut ad eos attinet) suscepturos; pro ijsque omnibus non
fortunas modò & facultates, sed etiam vitam & sanguinem (si
opus fiat) esse effusuros. Quod uerò ad alterum orationis istius
caput pertinet, huiusmodi est, ut cum ordo noster de republica

Christiani tam benemeritis sit nulli ut (quod pace aliorum dixerim) in hac parte concedere debeat: hicque tantis calamitatibus hodie subiaceat, quibus hac tempestate, sine uestro Auxilio liberari minimè possit: nos patres Amplissimi, ea erga illum pietate utamini: qua se se propterea suas non frustra nobis porrexisset, ac dolorem suum exposuisse intelligat. De quo mihi (quæso) ignoscite, si quædam summatim in præsentia perstrinxero, ne sine maxima ac iustissima causa; ad hanc petitionem descendisse videar. Et (ut ab eius antiquitate principium faciam) quadraginta ferme annis, ante Asiaticum, quod & sacrum etiam dicitur, ac communibus, Christianorum armis (Godofredo duce) gestum est bellum ordinis nostri, fundamenta in Hierosolima urbe locata esse constat; quanquam nonnulli ea pluribus annis seculis, à Ioanne Hircano Machabeorum gentili iacta fuisse aiunt: Quandoquidem is nobile quoddam extruxerat Xenodochium, super cuius ruinis, nostrum postea edificatum fuit. In quo primi illi nostri, ac iustissimi maiores, tanta semper exercuerant pietatis officia; ut postea ipsemet Godofredus; cum urbem ipsam Barbaris recepisset, eorum institutum, ac humanitatem admiratus, eos liberalitate sua augendos atque ornandos duxerit: dum Xenodochii facultates, tanta hospitii multitudinè, quæ ad ipsum assidue Hierosolimam confluebat, alende minimè sufficere intelligeret. Quam non contentus propter insignem eorum fortitudinem, & fidem, quàm multis experientis exploratam habuerat; loca quædam Munitissima, quæ contra Barbaros asseruanda commissit. Hinc cum sancta illa hospitalitate, intrepida, Christiana; in nostro ordine militum, coniungi cepit: quibus tanquam caput cultus diuinus super impositus est, ac in his quidem pie ac fortiter exercendis, cum ordo noster perpetuo incumberet (omnipotente Deo summorum Pontificum, Principum aliorumque piorum hominum permouente) tandem effectum est; ut non exiguum facultatum eius, atque fortune acceperint in clementum, adeo ut nostri huiusmodi opibus, tanquam aptissimis instrumentis usi (dictum difficile est) quàm gloriosa facinora terra marique contra Barbaros Christi hostes per multas præces ediderint. Quæ si mihi sigillatim recensenda essent, tempus potius quàm materia deficeret. In quibus licet ad hunc usque diem, semper perseverarint: non desuerunt, tamen nec

ad hunc defuncti, qui omnium impietate, et pietate reiecti, nos terris,
ac possessionibus expellere; ac omni honore, et auxilio spoliare ni-
tuntur. Adde ut in eas angustias iam redacti simus, ut si maxi-
me uellemus muneribus solitis satisfacere, minime possimus;
Quorum sane crudelitas (si quando Reipub. Christiane pernicio-
sa fuit) nunc certe multò perniciosior esse apparet: Quandoquidē
Melitē in qua cōmoramur, inter Sciciliam & Africam sita, ceu
commodissimum propugnaculum, contra Barbarorum potentiā,
que nunc in immensum creuit, oppositum sit, clarissimæque pro-
uincias (Italiam dico atque Sciciliam) quibus illi inhiant, atque
ab eorum insultibus quodammodo tueatur atque defendat. Que
(quod Deus auertat) semel amissa; nè illud haud dubie grauissi-
mum toti Reip. Christiane; ac forsitan insanabile uulnus accide-
ret: ut iam non nostrò solùm, sed omnium qui ubiq; sunt Christia-
norum nomine, Vos patres pientissimos, Magister, ordoque noster
vehementer obsecrat: Vti antiquitatis, nobilitatis, ac maximorū
meritorum in Christianam rep. ab ordine nostrò profectorū me-
mores, necnon periculorum (nisi eidem opportunè succurratur)
non tam illi quàm cunctis imminentium recordati; Auxiliares
charitatis uestre manus, eidem porrigatis: utq; possessiones, atq;
comendæ, ceteraq; que per summam uim, & iniuriam eidem ere-
pta sunt bona, restituantur; ac ne ea impio, & a quoquā usurpa-
tur, nèue alijs ab ordine nostro alienis conferantur, decernatis:
Immunitates quoque ac Priuilegia nostra, ne ea quisquā in su-
turum uiolare audeat, confirmetis. Denique cuncta singulaq; ad
eundem ordinem pertinentia, in uestram tutelam ac fidem susci-
pere dignemini. Que quidem perficere si in animum induxeritis,
præter quàm quod rem & operam, humanitate, et auctoritate ue-
stra dignam efficietis, tum societati nobilissimæ quàm optime
consuletis; Tum & de Republica Christiana (cui nos perpetuò
militamus) hac quoque in parte, præclare atq; ampliter uos esse
promeritos omnes prædicabunt.

D I X I.

RESPONSVM SANCTAE SYNODI, IN
admissione Oratoris, Illustriss. ac Reuerendiss. M.
Magistri, & Ordinis Hierosolimitani, in
generali congregatione. Die. 7.
Mensis Septemb. 1563.

Illustrissime ac. Reuerende Orator.



QVOD Illustrissimus & Reueren-
dissimus Magnus, uestri ordinis Ma-
gister, ad hoc Sacrum Generale Con-
cilium, ut optabat ipse non uenerit,
tunc munus istud tuum non citius
oblueris; Sancta Synodus excusa-
tionē quam attulisti, ut iustam acci-
pit. Nam cum non ignoret eximium
uestrum erga Sanctam Apostolicam
Ecclesiam Studium; cuius in Ma-
gnis Christianae Reip. periculis; contra immanissimos nostri no-
minis hostes, testimonia exant quam plurima: non dubitat,
nisi pirata, iter impeduissent; quin inuleo antea, sacer freru
usq; ille uester ordo fuisset declaraturus, quantum hunc Sacro-
sanctum conuentum probet; atq; eius progressus ex animo, ut
Christianos decet, exoptet. Nunc te nobilissimi Ordinis orato-
rem, & Ecclesia dilectum filium; quando Militum Christi, &
acerrimorum uerae religionis propugnatorum, piam, & Chri-
stianam uoluntatem testaris, hac Sancta Synodus libenter ex-
cipit, atq; ex luculenta illa, quae modò à te habita est Oratio-
ne; totius illius ordinis pietatem erga Deum, uniuersamq; rem-
publicam agnoscit, uehementerq; diligit. Quae uerò de commen-
dis, & priuilegijs uestris conseruandis diligenter petijsti, in his
Sancta Synodus habebit (quatenus licebit pro charitate, qua
Magnum Magistrum sacrae istius religionis, atq; illum ordinem
amplectitur) rationem dignitatis, & commodorum uestrorum.

B R I X I A E apud Ludovicum Sabiensem.

